

Uunga siunnersuut: Aalisarnej pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx.xx 2012-imeersaq.

(Akiliutinik akiliisarnej pillugu aalajangersakkanik allanngortitsineq kiisalu akiliutinik akiliinngitsoornermi kingusinaartumilluunniit akiliinermi ernianut akiliuteqartarnej pillugu aalajangersakkamik atortuulersitsineq)

§ 1

Aalisarnej pillugu Inatsisartut inatsisaanni nr. 18, 31. oktober 1996-imeersumi ilaatigut Inatsisartut inatsisaatigut nr. 17, 3. december 2009-mi allanngortinneqartukut kingullerpaamillu Inatsisartut inatsisaatigut nr. 5, 4. juni 2012-imi allanngortinneqarsimasumi tulliuuttunik allannguisoqarpoq:

1. § 14, imm. 5-10 atorunnaarsinneqassapput.

2. § 14-ip kingornatigut ikkunneqassaaq:

”§ 14 a. Naalackersuisut sinerissamut qanittumi aalisarnermut aalisarsinnaanermut akuersisutunik tunniussinermi aamma akuersissuteqarnermi akiliummik akileeqqusisarnissaq pillugu aalajangersagaliorsinnaapput. Akiliulli taanna sinerissamut qanittumi raajarniarluni aalisarnermut aalisarsinnaanermut akuersissutinut aamma akuersissutiginninnernut akileqquneqartassanngilaq, tamatumunngami imm. 2 naapertorlugu akiliummik akiliisoqartarmat.

Imm. 2. Naalackersuisut aalajangersagaliorsinnaapput ukiumoortumik akiliummit akiliuteqartarnissaq pillugu ingerlatseqatigiiffinnit inunnillu avataasiorluni aalisarnermut imaluunniit sinerissamut qanittumi raajarniarluni aalisarnermut akuersissuteqarfigineqarsimasunit pisassiissutinillu tunineqarsimasunit.

Imm. 3. Naalackersuisut akiliummik akiliisarnej pillugu imm. 1 aamma 2 naapertorlugit allaffissornikkut ingerlatsineq pillugu sukumiinerusunik aalajangersagaliorsinnaapput, taakkua ilagalugu akiliutinut akitsuullit aalisarnej pillugu inatsit naapertorlugu akuersissummik akuersissuteqarnermilluunniit nutaamik pissarsisinnaasannigutsut, aningaasat akiitsorilersimasat, pillaatitut ernialiussat, akileqqaarsimatinnagit.

Imm. 4. Akiliutinik akiliinngitsoortoqartillugu, Inatsisartut inatsisaat manna naapertorlugu aalajangersarneqarsimasumik, erniat pillugit inatsimmi ullup akileereerfiusussap kingorna naatsorsorneqartartuni aalajangersakkat naapertorlugit ernialersuisoqartassaaq. Ernialiussalli annertussuseqassapput ikinnerpaamik 50 kroninik naatsorsorneqartassallutillu kingusinnerpaamik ullormit piffissaagallartillugu akiliuteqarfiusartussamit.”

3. § 33 imm. 4 kingorna ikkunneqassaaq:

“*Imm. 5.* Akiliisitsinerit, imm. 1-4-lu naapertorlugit akiliisitsissutaasartut, Nunatta Karsianut nakkartassapput.”

§ 2

Inatsisartut inatsisaat ulloq 1. januar 2013 atortuulerpoq.

Namminersorlutik Oqartussat, ulloq xx. xx 2012

Kuupik Kleist